



Carmen Hug e Sandro Duque selegran silla lavur el niev luvratori da Art Movement a Glion.



Sandro Duque capescha d'activar e motivar ils affons.

FOTOS: S. ROTHMUND

# Art Movement – promoziun e prevenziun che fan spass

Il luvratori da giuvenils «Art Movement» ha dislocau alla Porta sura a Glion

DA SUSI ROTHMUND / ANR

■ Avon prest treis onns ha il luvratori da giuvenils «Art Movement» aviert sias portas el marcau vegl da Glion. Cun projects d'art, cultura ed artisanadi han ils menaders dil luvratori, Carmen Hug e siu partenari Sandro Duque, capiu d'activar e promover la creativitat d'affons, giuvenils e carschi. Il plascher che giuven e vegl ha el luvratori ei la pagaglia pil per ch'ei ussa secasaus – cun luvratori e tut – ella Via Brinegg 1 sper la Porta sura. Il luvratori da giuvenils a Glion ha in niev dacasa. Naven d'immediat han las seras da zambergiar ed ils workshops da maliar ni da djembé d'Art Movement (AM) liug ellas localitads novas sper la Porta sura. Sco usitau ei il luvratori aviarts mintgamai la mesjamna dallas 18.00–20.00 e per workshops mintgamai la gievgia a partir dallas 16.30. Per dar damogn als giavischs da mintga gruppa da vegliadetgna, porscha AM pliras ga ad onn differents workshops d'art per carschi che han mintgamai liug il mardisera. Ils 14 da matg a partir dallas 14.00 envidan ils menaders dil luvratori, Carmen Hug e Sandro Duque, in e scadin al di dallas portas aviartas ed avertura ufficala dil niev AM. A moda frestga, amicabla e pratica han els dus renovau sez las stanzas. El luvratori anfla mintga uaffen siu plaz ed ils bauns da splanar fan era il survetsch sco

meisas da maliar. Ella cuschina da zambergiar astgan affons e carschi mischedar e maliar tenor gust e plascher e negin sevila sch'ei fan purtgarem. Tier AM dat ei spazi avunda per zambergiar, reparar, pitgar, marclar, resgiar, maliar, saltar, scriver, scalprar, sculpturar, tagliar, taccar, cuser, cantar e bia auter. Perfin leu «nua ch'il retg va persuls» fa il plantschü su, creaus da Sandro, surstar e per franc restar in tec pli ditg che previu. El luvratori sensibilisescha il pèr affons, giuvenils e carschi per art ed artisanadi. Las differents purschidas sveglian automaticamein la fantasia, creativitat e la forza imaginativa dils participonts. «Nus cumandain buc adina co far mokein intimein e motivein cunzun ils affons da cundecider e d'haber dapli atgn'iniziativa», declara Carmen durant ch'ella muossa il luvratori niev. Quei che vegn costruiu e creau leu sebasa sillas ideas dils affons. El center stattan independenza e spontanadad ed els duein sez scuvierer lur giavischs, gusts e talents. Cun quella purschida da projects assistit metta Art Movement in accent ella tematica tgira complementara alla scola, ina tematica che vegn era tier nus pli e pli actuala.

### La paga ei il plascher

Per Carmen e Sandro, che s'engaschan senza paga pils projects d'Art Movement, ei la lavur creativa cun affons, giuvenils e carschi daventada in hobi che drova bia

temps. Sandro ei praticant ella canorta d'affons Mäuseburg a Glion e terminescha il fenadur 2013 la scolaziun al «specialist da tgira – accent tgira d'affons» el Center da furmazium e perfecziunament per professiuns el sectur social e dalla sanadad a Rheineck (SG). Tier AM planisescha e meina il graficher-designer ils workshops da maliar e sunar djembé per affons e giuvenils e differents luvratoris per carschi. Cun siu talent manual ei el predestinaus da surpender la responsabladad el luvratori e da far las lavurs da manteniment e reparaturas. Sper sia lavur impunda il tip exotic cun ragischs africanas, portughesas e chinasas bia temps pigl art figurativ. Ina gronda savida ha el cunzun acquistau ella pictura e da quei san ils participonts da ses workshops adina puspei profitar. Sandro malegia e venda ses malets dapi 1993. «El capescha fetg bein ils affons ed el luvratori tscherchan quels sia compignia», lauda Carmen siu partenari. La commercianta lavura sco scolasta da tudestg per persunas da lungatgs jasters che tscherchan lavur. Il matg terminescha ella la scolaziun supplementara per la «tgira complementara alla scola» alla Scol'aula da pedagogia a Sogn Gagl. Tier Art Movement ei la dunna responsabla per l'entira organizaziun e coordinaziun e pils concepts dils differents projects. Carmen ei la persuna da contat e sustegn Sandro durant ils workshops e da menar il luvratori.

### Emprender per la veta

Nus havein viliu saver daco ch'els impundan la gronda part da lur temps liber per porscher alla giuventetgna ina pussevialadad da passantar il temps liber a moda nizeivla. «La renconuschientscha ed il plascher dils giuvenils ei nosa pagaglia, il success che nus havein muossa che quella purschida complementara, che muncava avon a Glion, vegn apprezzada grondamein dalla giuventetgna indigena», ha Carmen rispundiu. Sandro mirava gia el Portugal d'affons, el s'occupava d'affons dallas vias. «Cheu dat ei per cletg buca affons dallas vias, sur miezdi ni suenter scola ein entgins denton senza surveglonza e van per las vias», di Carmen. El luvratori astgan els esser creativs, surpender responsabladad, emprar, riscar ed emprender da luvrar manual. Tier Carmen e Sandro astgan ils affons guder il gust d'aventura ed era far canera. Els emprendan bia per la veta, per exempel era caussas sco dar endretg il maun in a l'auter. Ils menaders dil luvratori gaudan d'observar il svilup dils affons, da veser co els fan progress e daventan pli e pli creativs. Tier AM dat ei mo paucas reglas mo ils menaders giavischan ch'ei vegni iu entuorn cun quitaugl inventar, ch'ei vegni fatg uorden ed iu entuorn in cun l'auter cun respect.

### Finamiras

Sco Carmen declara, ei il basegns per pur-

schidas dalla tgira complementara alla scola per affons e giuvenils a Glion e contuorn gronds. Quei hagien era geniturs e persunas d'instrucziun confirmau. Cheu sappi la purschida actuala d'Art Movement – en ed ordeifer il luvratori – mo curclar ina pintga part dil basegn effectiv. «Perquei havein nus la finamira da luvrar dapli e pli stretg ensemen cun scolas ed autras instituziuns», di Carmen. Grazia a lur enconuschientschas professiunalas e l'experienscha ch'els han rimnau ella tgira d'affons durant lur engaschi da plirs onns, seigi AM cun sias purschidas il partenari adattau per instituziuns che fan patrats davart la tgira complementara alla scola ella sparta creativa. AM porscha projects unics mo ha era purschidas che serepetan adina puspei. «Nus essan aviarts dad ir novas vias per dar damogn als basegns ed oravontut per stuppjar las largias ella tgira complementara alla scola a Glion e contuorn», puntuescha Carmen. Tenor Carmen nezegian las scolas adina dapli la purschida d'Art Movement ed organischan jamna da project. Luvratori dat ei era adina puspei in collaboraziun cun differents organizaziuns da turissem e museums. «Nus savein seposiziunar meglier e meglier e la tgira complementara d'affons daventa era tier nus in tema. Quei e naturalmein l'engrazeivladad dils affons ei motivaziun avunda da cuntinuar», declara Carmen.

reclama

## Qualität zu Discountpreisen!

### Erdbeeren

Herkunft siehe Verpackung, 500 g



1.95

### Norwegischer Räucherlachs

geschnitten, im Kühlregal, 250 g



5.90  
14% sparen  
statt 6.90

### Nescafé Gold

• De Luxe  
• All'Italiana  
• Sérénade  
• Finesse Nachfüllbeutel, 2 x 100 g



9.95  
27% sparen  
statt 13.80

### Feldschlösschen

#### Original Bier

Dosen, 12 x 50 cl



11.95  
33% sparen  
statt 17.95

### Cuvée du Bailliage Epesses Lavaux AOC

2010, Waadt, Schweiz, 70 cl



8.25  
27% sparen  
statt 11.45

### Condado de Haza Crianza

2007, D.O. Ribera del Duero, Spanien, 75 cl



Sonderangebot!

18.95

### Luis Felipe Edwards Terraced Carménère Gran Reserva

2009, Colchagua Valley, Chile, 6 x 75 cl

auch online bestellbar: www.denner-wineshop.ch



34.35  
1/2 Preis  
statt 68.70

### Zewa Soft Toilettenpapier

• weiss  
• gelb  
• samtstark, 24 Rollen à 140 Blatt



9.95  
33% sparen  
statt 14.90

Der Schweizer Discounter



Aktionen gültig in den Filialen vom 18. bis 27. April 2011. Solange Vorrat. Jetzt abmieren: www.denner.ch/newsletter